

PLANISPHERIVM
Explicandi sunt huius Instrumenti
circuli & partes.

INSTRUMENTVM hoc Planisphærij duas partes
habet cum linea fiducia, quarum una dicitur mater Planis-
sphærij, altera uero rethe. In matre autem limbus continet
tres ambitus diuisos in 24 partes æquales, & subdiuisiones
horarum in quinq; partes æquales, quarum quælibet continet 12 minuta,
horas deinde sequentur 4. cœli regiones, sub his *BAD*, & *CAE* lineæ,
quatuor, illas partes mundi determinantes. Circulus autem *BCDE*, est
æquator, & ex eiusdem centro deducta circumferentia, uocatur tropi-
cus solstitialis. Circuli quoq; ab Horizonte in zenith usq;, sunt circuli
almicantarath seu altitudinum, & qui in zenith puncto se intersecant
azimuth seu uerticales. In rethi uero exterior æquatorem refert, & ar-
cus intra hunc notati cum signis duodecim Zodiaci, dicuntur duæ me-
diætates signiferi. Signa uero in eis distincta sunt per gradus 15, quorum
singuli duos comprehendunt, & simplex crucis nota denarium, duplex
autem uicenarium significat, & cuspides seu acus uera stellarum, loca cū
adiecto titulo ostendunt.

ORGANVM

